



Inatsisartunut ilaasortaq Kristian Jeremiassen  
ATASSUT

## **Atuakkani ilinniusiat qallunaatut allassimasut kalaallisuunngorlugit nutser- nqarnissaat pillugu § 36 naapertorlugu apeqquteqaammut akissut**

Inatsisartut suleriaasianni § 36 imm. 1 naapertorlugu ullormi 3. april 2009  
apeqquteqarputit Naalakkersuisunut imaattumik:

### **Perorsaasunngorniat inunnillu isumaginninnermi siunnersortinngorniat atu- arnerminni atuagaat qallunaatut allassimasuusut kalaallisut nutsertinneqar- nissaat pillugu Naalakkersuisut sulissuteqalikkersaarpat?**

**Akissut:** Inunnik isumaginninnermi siunnersortinngornianik ilinniartitsineq aamma perorsaasunngornianik ilinniartitsineq ilinniartitaanerit ingerlaqqiffiusut allat assigalugit ukiuni kingullerni allanngortinneqarput qaffassarneqarlutillu tassaalersillugit *"ilinniarterit ilisimatusarnermik tunngaveqartut aamma atorfinissutaasinnaasumik bacheloritut ilinniarterit"*.

Tamanna isumaqarpoq Kalaallit Nunaanni ingerlaqqiffiusumik ilinniarnerni ilinniartortagut, matumanittaaq inunnik isumaginninnermi siunnersortinngornianut aamma perorsaasunngornianut ilinniartitaanerni, suliassaqarfinni pineqartuni nunagisami aamma nunani tamalaani ilisimatusarnermi angusat tunngavigalugit ilinniartitaasut. Tamatuma ulluinnarni ilinniartitsineri nassatarivaa ilinniagaqartut ilinniusianik, allaaserisanik ilinniartitsinermilu atortunik allanik kalaallisut, qallunaatut imaluunniit tuluttut allanneqarsimasunik atuarsinnaanissaat tunngavissaatimmagu.

Ilinniakkani ingerlaqqiffiusuni ilinnialernissamut piumasaqaataavoq qinnuteqartup ilinniarnertuunngorniarfimmi ilinniarsimanissaa, imaluunniit ilinniagaqarnikkut taamaaqataanik tunuliaqutaqarnissaa. Ilinniarnertuunngorniarfimmi ilinniarneq nunat allamiut oqaasiinik ilinniarsiungaaqartarpoq ingerlaqqiffiusumik ilinniagaqartut atuakkanik ilinniusianik, allaaserisanik ilinniarnermilu atortussanik allanik qallunaatut tuluttullu allanneqarsimasunik atuarsinnaasunngorlugit.

Ilinniartitsineri ilisimatusarnermilu allaaserisanik nunanit tamalaaneersunik qallunaatuumiit imaluunniit tuluttuumiit kalaallisuunngorlugit nutserinissaq aningaasatigut sulisutigullu isumalluutitta killeqartut atorneqarnissaanni pisariaqarpiangitsutut nalilerneqarpoq, tassa ilinniagaqartut ilinniarnertuunngorniarfimmi ilinniarsimanertik tunuliaqutaralugu qallunaatut tuluttullu oqaatsinik piginnaasaqareemata.

15/04/2009  
Sags nr. 2009-016890  
Dok.nr.162927  
Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiip-mail@gh.gl  
www.nanoq.gl/kiin

Atuakkanik ilinniusianik il.il. kalaallisuunngorlugit nutserinissaq isumalluutini anertuumik atuiffiusussaavoq, taakkulu meeqqat atuarianni tunngaviusumillu ilinniartitsinermi atuartut nunat allamiut oqaasiinik suli piginnaasaqarfiginngisaanni ator-neqarnissaat pissarsiaqarfiunerussaaq. Tamanna tunngavigalugu oqaatigineqartariaqarpoq ilisimatusarnermik tunngaveqarluni ilinniartitsinerup nassatarimmagu atuakkat ilinniusiat, allaaserisat atortussallu allat sukkanerusumik taarserneqarsinnaanerit, tamatumalu nassataraa nutserisarnissamik pisariaqartitsinerup suli annertunerungaamera.

Taamaattumik Naalackersuisut isumaqarput ilinniusiat nunat allamiut oqaasiinik naqitat kalaallisuunngorlugit nutserneqarnissaannik pisariaqartitsineq meeqqat atuarianni tunngaviusumillu ilinniartitsinerne siuliani taaneqartuni pisariaqartinneqarnerusoq.

Ikinngutinnersumik inuulluaqqusillunga

Tommy Marø